

2

# HIERONYMI

## CRASSI VTINENSIS

### DOCTORIS CHIRVRGI

#### TRACTATVS

De Tumoribus præter naturam,  
De Solutione continui,  
De Vlceribus.



Venetiis, apud Iordanum Ziletum.  
M. D. LXII.



HILARY

CHAS. V. 12. 12. 12.

12. 12. 12. 12. 12.

12. 12. 12. 12. 12.

12. 12. 12. 12. 12.

12. 12. 12. 12. 12.

12. 12. 12. 12. 12.



12. 12. 12. 12. 12.

12. 12. 12. 12. 12.

FRANCISCO TVRRIO,

VIRO OMNI VIRTUTE

ORNATISSIMO,

APVD VENETAM REMPVB.

CAESAREO ORATORI,

PATRONO SVO SINGVLARI,

Hieronymus Crassus Doct. Chirurgus

S. P. D.



**Q**VANTO fructu sim priuatus morte clarissimi uiri NICOLAI TVRRII, dum uixit, Gradiscæ præfecti, consanguinei tui FRANCISCE TVRRII heros amplissime, ego ipse scio; & ii-existimare possunt, qui diuinam propemodum hominis beneficentiam, & humanitatem, studiumq; & charitatem, qua me, meosq; constantissimè est persecutus, aliquando cognouerunt. nam quicquid potest quisquam ex alterius humanitate ad suas rationes accommodatum, & conducibile expectare, id totum illo superstitè, & incolumi polliceri mihi ipse non dubitabam. tantum autem in eo erat omnes bonos iuuandi ab ipsa natura insitum desiderium; tanta animi ad bene merendum alacritas; ut secum omnes præclarè actum putarent, quicumque ei in

A 2 famulatu

famulatu esse potuissent, & illam benignitatem, quali non alius quispiam ante hos annos, multos gloriari potuit, experiiri. Cuius rei optimus mihi quidem ipse testis sum, nondum penè ex Ephœbis egressus ab eo in fidem humanissime receptus; quem optimum (ut tum mihi uidebatur) rerum mearum statum amplis quibuscunque conditionibus non mutassem. Sed fata mihi hanc felicitatem inuiderunt, nam cum ego haud ita multo post, ut medicæ facultati, atque ei potissimum, quam (quod in manuum operatione consistit) χειρουργικὴ Græci uocant, operam nauarem, Patauium profectus fuisset, grauis admodum; cum minùs timebam, huiusce interitus ad me nuntius allatus est; quo quantum fuerim commotus, facilius cogitare possum animo, quàm uerbis explicare, quis est enim adeo ferreus, ut in communi iactura etiam si nihil præcipui, ac singularis studii intercesserit, non uehementer commoueatur? dum tantum Christianæ Reipub. præsidii, tantum opis hunc attulisse extremis penè temporibus, quantum à nullo alio forsitan adhuc allatum fuit, cogitabit. Tu ferocissimorum hostium, & nomini Christiano plusquam dici queat, infestorum, furorem atque impetum cōpressisti. Tu bellicosissimarum nationum uires armis, & sapientia non semel labefactasti. O uirum omni laude dignissimum. nihil est enim, quod aut à natura, aut à uirtute, aut ab ipsa etiam humanarum rerum moderatrice, & arbitra fortuna expectari

ctari possit , quòd ille non fuerit cumulatiſſimè con-  
secutus ; imagines autem , & res à maioribus ſuis  
præclariſſimè geſtas, quas ita plerique admirari ſo-  
lent, quaſi ex iis potiſſimum poſteriorum ſplendor,  
& gloria pendeat, ita æſtimabat animo, ut res exter-  
nas, & aduentitias agnoſceret, in quibus nihil eſſet,  
quod ſuū poſſet appellare , ea ſola, quæ ex proprie  
uirtutis ſplendore gloria manabat, delectatus. O fal-  
laces igitur ſpes meas, ò incertam, & inſtabilem hu-  
manarum rerum conditionem . Sed ineptus ego ,  
qui iam coalitam temporis beneficio, & obductam  
uulneris acerbiffimi cicatricem refricare non deſi-  
nam. parcius igitur in præſentia, tum quia non eſſe  
arbitror huius loci, ac temporis per latiſſimum eius  
laudum campum expatiari (offeret ſeſe mihi, ut ſpe-  
ro, alio tempore alia cōmodior occaſio) tum etiam  
quia vir egregiis facinoribus clariffimus prædicatio-  
ne mea, aut ullo honore uerborum non indiget. In  
hoc meo tanto mœrore FRANCISCE TVR-  
RI hoc ſolatio utor, quòd te habeam præſtanti pru-  
dentia uirum, ita ut bonorum , uirtutum etiam ip-  
ſarum conſanguinei tui, à te ſemper loco patris ha-  
biti, imitatore, & hæredem . Nam ſi liberos de-  
cet (ut grauiſſimus auctor Iſocrates ad Dæmonicū  
ſcripſit) ut facultatum , ſic patris quoque amicorū,  
addam etiam clientum hæredes eſſe; meo quodam  
iure uideo facturus , ſi à te in patrōni , & domini  
olim mei fortunis ſucceſſore locū meum in tua  
fide, & clientela, mihi temporum iniuria adhuc in-  
terceptum

terceptum in præsentia repetam ; id quod à me antehac quidem agi debuit , egissemq; dubio procul, ni me subrusticus quidam pudor ( fatendum est enim ) desiderio ardentem fuisset remoratus ; sed tempestiuè adhuc satis ( ut arbitror ) fiet , atque hoc potissimum tempore , cum præsidio auctoritatis , & dignitatis tuæ res meas maximè egere cognosco . Nā cum annis superioribus de ratione uulnerum , atque ulcerum curandorum satis multa , & ea quidē scitu non indigna , ex ueterum præscripto longis sanè uigiliis mihi adnotauerim , ut si quando in sauciatum , aut grauiter affectum aliquod corpus incidissem , haberem statim parata remedia , quæ ad cōciliandam ægris uitam salutemq; forent necessaria ; cumq; rem ad uerba contulissem ; atq; ex ipso usu , qui est , ut ait Cicero , optimus rerum magister , ad hanc rem maximè apposita deprehendissem , nihil mihi longius fuit , quàm ut ea cū Doctissimo Viro D. A. L O N S I O L V I S I N O , dii boni , qua bonitate prædito , & quo in uniuersa re medica iudicio , communicarem ; qui , ut optima est in amicū fide , omnia diligentissimè fuit perscrutatus , & ad ueterum scriptorum normam accuratissimè expendit ; nec ita multo post , quotidiano ferè conuiicio efflagitare cœpit , ut ea in communem studiosorum utilitatem ederem in uulgus . Ego uerò tam & si nihil minus quàm de editione cogitabam , animo tamen diu , noctuq; retractare cœpi , an hoc nomine possem summam in te meam obseruantiam , & pietatem

1  
pietatem omnibus testatam relinquere ; maiorem  
enim hoc tempore , quæ est fortunæ meæ im-  
becillitas , nullam mihi dari posse facultatem in-  
telligebam . Statui igitur tandem hæc omnia in  
tres Commentarios referre, quorum unum de Tu-  
moribus præter naturam ; alterum de Solutio-  
ne unitatis , (ita enim medici loquuntur) siue de  
cruentis vulneribus ; tertium de Viceribus inscri-  
psi, & nomini tuo dicata omnibus communicare .  
quæ ego nunc tibi uolens lubensq; do, dico, addi-  
co, nõ ex eo mehercules, quòd alicui tibi fore usui  
existimem, quanquam satis constat, homini inge-  
nuo nunquam impedimento fuisse bonarum artiũ  
cognitionem, sed quòd iis potius tuæ auctoritatis ,  
qua tantum uales, quantum omnes norunt, muni-  
mento opus sit ; nam satis scio, hos meos Commen-  
tariolos non esse (ut est in prouerbio) albæ gallinæ  
filios , ut per se possint maleuolorum obtrectatio-  
nes effugere , quos ad oblatrandum usqueadè  
propensos nouimus; ut cum tandem non habeant,  
quod contemnant , nequid tamen non damnent ,  
Momi personam induiti sandalium ipsum Veneris  
culpare , cum Venerem non possint , soleant ; sed  
tuo fretus adiumento facilè possum istorũ ineptias  
contemnere . Suscipe igitur Vir Clarissime clientis  
tui , qui te omni obseruantia , & obsequio semper  
est paratus colere , & uenerari , patrociniũ : am-  
plissimæ auctoritatis tuæ clypeum prætende , &  
quãquam in ardua ista legatione distentus, semper  
cum

cum opera, tum animo es multo magis, ne tamen  
causam meam desertam patiari; te enim pro me  
aduersus hos rabulas stante, nihil est quod quem-  
piam deinceps timere debeam. quod si erit factū,  
ut te, quæ tua est humanitas, facturum esse confi-  
do, & me omni cura liberaueris, & ipse maximum  
uigiliarum mearum fructum assecutum me esse ar-  
bitrabor. Vale.



271150MVT 5.11  
HIERONYMI CRASSI  
VTINENSIS DOCT.  
CHIRVRGI

DE TUMORIBVS PRÆTER  
NATURAM.



ARTEM quam ueteres, à ma-  
nuum operatione Chirurgiam  
appellarunt, cum duplici con-  
stare differētia grauissimus au-  
thor Aegineta tradiderit, alte-  
ra qua ossis uicia tractat; altera qua carni ser-  
uit; nos in præsentia aggressi secundam dif-  
ferentiam exordiri, cogitauimus optimum  
fore, ut, si in hac tractatione initium feceri-  
mus, ab ea parte inchoemus, qua maximè  
uersari Chirurgos cognouerimus. Sed cum  
frequenter occurrat, ut aliquæ corporis par-  
tes à naturali habitu recedant, extenta scili-  
cet, attentaq; eatenus cutē, quatenus pro-  
portione confluentis humōris assurrexerint,  
quarum affectiones, tumores, atque ob a-  
ctionum læsionem, præter naturam appel-  
lantur, consentaneum sanè nobis uisum est,  
ut cœpto iam ante de fractis ossibus exordio;

B præ-

*de differentiis tu-  
moris.*

præsentem modo sermonem prosequamur. At cum multæ sint in Chirurgica speculatione tumorum præter naturam differentia, nos communiores, & eas quidem, quas usui maximè necessarias esse cognouerimus (reli-  
quas obiter currentes) tractabimus. Vnde cum in uniuersum sint quatuor in animante humores, nos prosequentes institutum, ostendemus, & quatuor esse tumorum præter naturam differentias primas, esseq; præterea multas alias per earum complicationes. Quatuor enim sunt simplices, ut cum dicimus phlegmonem, id est inflammationem, erisypelas, seu ignem sacrum, præterea œdema, id est inflationem, scirrhum, seu duritiem. Fiunt autem multo plures, cum ad inuicem inter sese complicantur, ut quando phlegmoni miscetur erisypelas, dicimus phlegmonem erisypelatodem, nomine quidem ab humore superabundante suscepto, cognomine autem ab altero. Vbi uero neutrum superabundarit, ibi uitium phlegmones, erisypelatosq; medium nominatur. At & reliquas differentias singulis miscentes conficimus, atque hac communi regula procedimus, ita ut

uf-

usque uiginti octo euadant complicationes. *Ex Causis.*  
Quum igitur in hac numeri summa multæ  
oriantur differentiæ, scire oportet à quo hu-  
more unumquodque, et quomodo profici-  
sci, medici contendant. Præterea quibusnā  
ex causis ortum trahant, & denum qua me-  
thodo curentur. Ex Galeno itaque præcipuè  
monstrandum est, phlegmonen conflari à  
sanguinis confluxu per uenas, & arterias, ad  
reliquas minores, & ex his ad minimas, quæ  
ob rationem quam cum pilorum genere ha-  
bent ob exiguitatem capillares quibusdam  
appellantur. At ubi in his sufficienter est con-  
culcatus, nec adhuc sistitur (id enim super-  
positæ partes semper efficiunt) pars quidem  
per earum ora, pars per tunicas ad exteriora  
loca, circumquaque dilatationibus illarum  
adiacentia, transcolatur, quæ sanè omnia cū  
inania sint, ut abunde satis ostendit ipse Gale-  
nus in Anatomicis administrationibus, facile  
ab huiusmodi fluxione implentur, incale-  
scuntq; omni ex parte, atque funduntur, inte-  
rius nanque à fluxione tum excalescunt, tum  
distenduntur, & diuelluntur, exterius non  
modo calefiunt, sed etiam premuntur, ac de-

grauantur, atque hoc modo fit morbus, quē  
phlegmonen appellari diximus; quæ ut Ga-  
lenus ait, musculi inæqualis est intemperies.  
Fit uero erisypelas quando pars à biliosa flu-  
xione impleta fuerit, quam idem author 7.  
de Simplicibus uocat exactum erisypelas, ut  
facile est legere apud eum capite de corian-  
dro, & alibi plerunque. Gignitur mox œde-  
ma ex pituitosa substantia, scirrhus autem ex  
sanguinis fæce, quam Hipp. nominare nigram  
solet. Cæterum causas medicis excogitatum  
est, (atque id quidem recte) esse duplices in-  
trinsecam alteram, quam Galenus 2. ad Glau-  
conem fluxionem uocat; alteram recentem,  
ac manifestam, quæ ante præcesserit, quam  
omnes medici iuniores, usitato uocabulo,  
procatarcticam, id est præincipientem appel-  
lant. itaque cum duplices sint causæ, à qui-  
bus huiusmodi tumores nonnaturales o-  
riuntur, nos clarioris doctrinæ gratia decla-  
rantes has causas, pro exemplo habebimus  
inflammationem, quæ peculiariter phlegmo-  
ne dicitur, & multis semper accidit. Fit igitur  
inflammatio, quando etiam non præce-  
dente procatarctica causa aliqua, sanguis præ-  
copia,

uel uitio, nunc ex toto fertur corpore, nunc ex quapiam particula, uel omnibus in aliam aliquam particulam copiosius incumbit, sic ut à uasis nequeat contineri, exciditque aliquid roris modo in ampla, ut diximus, partium quæ intercedunt spatia. At inflammatio si à causa aliena prouenerit, & quidem contraria, credendum id in causa fuisse, uel quia membrum plus iusto calidum est, uel quia dolore affectum sit. Fit enim calidius quam par sit, uel propter immodicum motum uel nimium ex sole, aut igni teporem, uel acre medicamentum; dolore uero afficitur, uel propter intemperiem, uulnus, contusionem, distortionem, tensionem, obstructionem quandam, uel spiritum flatuosum; intemperies sanè fit modo ab extrinsecus occurrentibus, modo ex succis, qui in ipso habentur corpore, ex succis quidem quum id uitiosos succos, qui facultate sint dissimili congersit; Ab extrinsecus autem occurrentibus, modo ab aliquo uenenatorum animalium, modo ex pharmaco, quod uehementer excalefaciat, aut refrigeret, nonnunquam ex ambiente. His hoc pacto causarum rationibus absolutis,

*Curatio.*

lutis, quibus tumorum differentias conflare  
 proposueramus, reliquum modo est, ut cu-  
randi uiam commonstremus, id quod com-  
mode fiet habita prius temporum necessaria  
 cognitione; hæc enim terminatur principio,  
 augmento, statu, & declinatione: principio  
 quidem, quum primum pars sanguinea ma-  
 teria repletur: augmento, quando affluxus  
 aliunde cessat, & qui in parte continetur pu-  
 trefcere incipit, caloremq; præternaturam  
 inuehit, effusioq;, & flatus gignitur, particu-  
 laq; magis, quàm prius intenditur: statu seu  
 uigore, ubi pus conflatur, & (iuxta Hippocra-  
 tis aphorismum) maximi dolores adsunt: de-  
 clinatione, cum id denique quod fluxit dige-  
 stum est, & moles est diminuta. Cum igitur  
 his cognitio temporum claudatur terminis,  
 hoc quidem modo, id est his habitis non erit  
 difficile iuxta hæc tempora medicamentorū  
 applicationes accommodare, cum per hæc  
 ipsa, uniuersa, ut ait Galenus, intentio diriga-  
 tur. Ideo in principiis astringentium usu cu-  
 rationem complemus, in augmentis addita  
 digerente medicina, & astringente remissa,  
 quod & idem author uoluit 3. Simplicium  
 cap.

cap. 9. ubi inquit, Cæterum ad ascensus, augmentaq; inflammationum chamæmelo rosaceum præfertur, quum hæc tepida caliditate cum leui astrictione indigeant, status curationem perficimus ex æquo mixtis medicinis, quam eandem opinionem scripsit Galenus primo de componendis emplastris per genera dum dixit, Vigente phlegmone pares inuicem esse conuenit facultates, nisi uehemens dolor, pharmacum leniens requirat. Declinationi satisfacimus neglecta astringente, solaq; digerente adhibita, quod & idem confirmauit 9. de simplicibus. Vbi autem iam sanguis (inquit ipse) non fluit, astringentibus medicinis digerentia adiungere conuenit, & sensim ad ipsa sola transire, & hoc cap. de lapidibus. Nobis igitur satis cognita est, & patet ratio temporum, & institutio intentionis; reliquum modo est, ut curationem tumorum non differamus. Supponatur igitur cuiuspiam particulæ calidam fluxionem, sanguinis scilicet, cōtingere citra manifestam causam, à qua præposita, antedictaq; inflammatio producit, contingatq; particulam ipsam ob multitudinem distendi, quasi adeo  
ut

ut conuelli uideatur; huic ut præstò simus af-  
fluxui confugimus ad illū Hippocratis apho-  
rismum. Quicumque morbi ex repletionem  
sunt, curat euacuatio; euacuamus itaque  
sanguinem ipsum reuulsione per sectionem  
communium uenarum. talis nanque sectio  
eò quia in diuersum reuellit, indubitatum au-  
xilium affert. Sed in hac re consulenda ætas  
ægotantis existit, quæ si puerilis fuerit, à ser-  
mone excipietur, quum ante quartumdecim-  
um annum Galenus nunquam uenam se-  
cuerit, ut constat 4. methodi, & 11. necnon  
in libello de curandi ratione per uenæ sectio-  
nem, quomodo ergo (dicet quis) tute in auer-  
tendo sanguine in pueris geres? quum non  
liceat secta uena corpus eorum euacuare?  
Nos planè experientia docti esse omnino ipso-  
rum resolubilem ætatem, loco euacuationis  
per sectionem uenæ, utimur trahentibus san-  
guinis cursum ad opposita membra reliquis  
ingeniis, ut potè frictionibus, ligaturis, scari-  
ficationibus, cæterum secus facimus in flo-  
renti ætate, & ideo maxime cum inter princi-  
pes mittendi sanguinis scopos hanc ætatem  
Galenus annumerauerit, tantum sanguinis in



his euacuamus, quantum pro uirium ratione, & magnitudine morbi uisum nobis fuerit, æstimatis etiam unà temporum conditionibus; nam per has, & remissiores sanguinis euacuationes, & intensiores fiunt, ueris enim tempore euacuamus quidem minime timentes resolutiones corporum, morsus humorum, inæqualitates perturbantes facultates, quibus maximè torqueri corpora contingit. Vnde sine dubio, his benè expensis, in casu præsentis sanguinem, si res suaferit, mittimus, seruata nimirum locorum affinitate, ut dextra manu laborante, dexter malleolus, siue talus, sinistra sinister incidatur. Et uice uersa dextro crure affecto subalaris uena dextræ manus, sinistro sinistra, nempè rectitudine seruata secetur. Si uero subalaris non apparuerit mediam secabimus, quam & communem, & nigram appellamus. Vtimur, & quandoq; purgatione per idoneum pharmacum, applicantes supra dolentem particulam. (iuxta prædictorum temporum cognitionem) topicas medicinas, principio enim astringimus, refrigeramusq; , uel apposita spongia, oxicrota infusa, uel cerato ex aqua admodum frigida

da cuius compositionem tradit Gal. 10. methodi cap. 9. Vtimur etiam emplastro, si non admodum doleat, quod constat ex semper uiuo, & corticibus punicorum malorum in uino decoctis, & rhu, & farina ordeï; & hoc quidem ut repellat quod influit, atque id quod continetur exiccet, & circumiacentia membra corroboret. At cum dolore admodum magno incidente fluxu, in præfenti occasione sufficit doloris uehementiam lenire cum aliquo ex his, quæ ob id, quia dolorem sedant, Medicis appellata sunt anodina, cuius triplex apud Galenum septimo pharmacorum in dolentibus inflammationibus usus existit. primus enim, inquit, est, qui medicamenti abunde humidis simul, & modice calidis administratur; alter paulo crassioribus, & siccantioribus constat; tertius relaxantibus nominatis, cæterum Galenus iuxta causas distinguentes inflammationes curatiuam intentionem accommodat, atque à fluxione factas inflammationes, dum dolore afficiuntur, curat non primo medicamentorum usu, nec tertio, sed secundo tanquam habiliore, & pro exemplo ponit mixturam ex  
uino

uino dulci, seu sapa, quæ ex musto fit. Nā, ut inquit tertio de compositione medicamentorum secundum loca, multo magis hæc, quam dulcia uina dolorem sedat. Præterea oleo curat rosaceo, & pauca cæra in utroque liquata, quam nos applicantes excipimus ( & quidem secundum eius præceptum) lana pingui, quæ oesypi plurimum habeat, æstate quidem frigidam, hyeme tepidam; Ad quod etiam ualde utile experti sumus celebre illud, quod diachalciteos, seu diapalma, uel phœnicinum nominat idem author, cuius compositionem tradit primo de compositione medicamentorum secundum genera, atque illud remollientes optimo rosaceo supraponimus, lenimusq; facile dolorem, qui dolor in magnis inflammationibus pulsatius sentitur, inquit enim 14. methodi, & in libello de tumoribus præter naturam, dolorem pulsatiuum esse phlegmonis magni symptoma proprium. Fit enim pulsationis sensus, seu pulsatilis dolor, quando arteriæ mouentur, & ab adiacentibus particulis premuntur; Qua ratione ex percutiente, & percusso in particulis uehementi inflammatione tentatis, dolor quidem

DE TUMORIBVS

dem geminatur; Nam arteria percutit am-  
bientes particulas, & ob illius plagam ægro-  
tus dolorem sentit, & ab iisdem arteria mu-  
tuo repercutitur, unde fit, ut alter dolor o-  
riatur; cæterum si in hac curandi ratione, pu-  
ris copia superauerit medicamenta; nos non  
rupta omni mora, quemadmodum multi fa-  
ciunt, succurrimus, secantes cutem ferro ad  
puris eruptionem, uel extrahentes saniem  
apposito caustico aliquo, sed digerentes cu-  
ramus intro genitam saniem, quæ si præ sua,  
& loci crassitie, necnon multitudine posse di-  
geri non uideatur, tunc manu admoventes  
ferrum, cutem ad myrti folium secamus, eua-  
cuentes subluuiem pro tumoris ratione, &  
uirtutis robore; postea penicillum, seu cu-  
neolum ex stuppa uel bombice, uel linteo pa-  
ratum, & oui albumine, madefactum impo-  
nimus, obturamusq; cutem ferro diuisam, su-  
perponentes deinde uice platismatis, stup-  
pam uel duplicatum linteum eodem oui albu-  
mine infusum, atque circumuoluta fascia li-  
gantes curamus, in prima operis uisitatione.  
Secunda uero soluimus, & ulcus abstergimus  
hydromelle, uel uino, abhorrentes res hu-  
midas

midas, necnon pingues, cum ab his reddi putridum ulcus, ubique Galenus, & Hippocratis tradiderint, siccari enim inquit ulcus omne desiderat, excepto tamen contuso, ut suo loco apertè ostendemus; præterea paramus penicillum linteum, & excerpto abstergente, siccantèq; aliquo medicamine cutis diuisionem obturamus, & superimponimus splenium, deinde phœnicino Galeni, uel simili aliquo confectum quodlibet remollientes pro passionum differentia, uel rosaceo, uel ueteri oleo; Nam inquit idem author 13. methodi, quòd in iis uitare oportet durorum emplastrorum usum; quippe quæ particulas distendant, & inflammari iterum cogant; hac ergo uia in tractanda inflammatione, quæ à fluxione fit, procedimus, reliquam uero, quæ ab externa causa conflatur, & humectamus, & calefacimus, & si oportuerit, etiam scarificamus, nam in hac sanguis intrusus, quia tenaciter est impactus in uacuitatibus sensibilibus ex anatome, & raritatibus ratione comprehensibilibus partium carnosarum, facile digeriri non potest; ob id esse remedium optimum semper iudicauimus quod ex hydre-

læo,

DE TVMORIBVS

læo, & tritici farina paratur, item quod ex cor-  
ticibus radicum altheæ, & eiusdem foliis, nec  
non humili, agrestiq; malua cum insulsa por-  
ci axungia conficitur; præter hæc sunt qui  
addunt farinam triticeam, oui vitellos, & cro-  
ci momentum, ut adiuuent facultates, & do-  
lorem leniendo sopiant. At ubi genitum fue-  
rit pus (ita enim affectum abscessum uoca-  
mus) ut faciliè ex sensu tactus discerni potest,  
aperimus, & pus euacuamus modo iam supe-  
riori enarrato, atque curamus. Reliquas au-  
tem differentias iuuamus, respicientes varie-  
tates humorum. nam aliter curamus erisype-  
las, atque aliter œdema, necnon scirrhum;  
requirit autem erisypelas, quæ refrigerent  
cum humiditate, nec tamen astringant, cu-  
iusmodi sunt semperuiuum, portulaca, psyl-  
lium, lenticula palustris, umbilicus uene-  
ris, solanum, altercum, lactuca, & glaucium,  
& cerata ex aqua admodum frigida, inflam-  
matione sedita antequam particula liueat ex  
hordei farina cataplasma imponimus. At si li-  
uor occupauerit, cutem primo scarificamus,  
perfundentes locum, uel marina, uel muria,  
superponentesq; cataplasma; atque instituen-  
tes

*malua*

*de erisypelas*

tes in dies iuxta passionis formam medicamētorum facultates, curamus, & ad pristinā salutē ægrotantem perducimus. Oedema uerò, cum ex pituitosa substantia, seu fluxione fiat, tumor quidem laxus, cedens, & qui digitis impressis cauatur, curamus spongia superposita oxycrato imbuta, & leniter stricta fascia circumuoluta. At fasciæ initium sumimus ab inferioribus partibus desinentes progrediendo ad superiores; unde si inueteratum fuerit, particulam oleo prius inungimus, deinde spongiā ex lixiuio imponimus, artiusq; stringimus & ita sanamus, scirrhum uerò non prorsum insanabilem (quem exquisitum medici appellant, ex quo nullus sensus partibus affectis supersit) sed quem non exquisitum nominant, abigimus propellentes pharmacis digerentibus incrassatum humorem; non tamen ualide, ac uniuersim hoc agentibus, quòd, quæ ab extrahendo dicta sunt epispastica, solent: ea enim primis diebus diminuere tumorem uidentur. Sed tamen quod restat, fit insanabile, cum id omne, quod tenuium erat partium, sit digestum. quo fit, ut medicamenta accommodatiora

ea inueniamus, quæ molliendo possint digere-  
 re, inter quæ ex usu maximè nobis fuit,  
 quod recipit diachylonem, ursi axungiam,  
 muccillagines fœnugræci, lini seminis, radi-  
 cum maluaufci, seu althææ, cum his nanque  
 emollimus, & quandoque cum emplastro ex  
 corticibus eiusdem maluaufci, & anserû, uel  
 gallinarum adipe parato, postea ignito lapi-  
 de pirite, quem marchesitam uocamus, uel  
 molare, & aceto perfuso, uel posca, partem  
 inde mouemus, ut à uapore sursum elato scir-  
 rhus dissolui possit; quod, cum non infœlici  
 successu experti fuimus in egregio uiro domi-  
 no Francisco Othelio, illum etenim, dum  
 scirrhusa duritie extorqueretur in parte sini-  
 stra, & quidem domestica humeri, perbellè  
 curauimus, & multos hac nostra medendi  
 forma, geminantes intentionem, uel utentes  
 simplici intentione, ut cum emollimus, &  
 dissipamus, seu digerimus unà, uel emolli-  
 mus simpliciter, & emollitam materiam po-  
 stea digerimus, atque sic demum curamus,  
 at duplicamus necessario intentiones in com-  
 plicatis affectibus, intendentes, & remitten-  
 tes facultates pro dominiî differentia, ut cum  
 sanguis



sanguis uicerit quantitate sua uel pituitam, uel bilem, uel sanguinis forcem in mixtura, nos iuxta hanc humorum confusione[m] confundimus medicamenta; atque geminamus, ut cuique artis perito constat. Caterum praeter hos, ex alteratione praescriptorum humorum in alienas formas connumerari poterunt certi tumores geniti, qui ob excessum, & laesionem quam particulis inferunt; tumores non naturales etiam appellantur; ut sunt abscessus, carbunculi, cancri, gangraenae, strumae, varices, ramicum genera, & certae tuberculorum carnosorum differentiae, quorum omnium per capita curationes trademus.

Abscessus igitur, & si ex permutatione inflammationum oriri possint; de quibus satis superque in curatione inflammationum diximus; tamen ex prima etiam sui generatione tales produci medicis in confesso est; cum per collectionem quorundam humorum, partes à subiectis corporibus abscesserint. At collecta sub lupies in spatio diductorum corporum, si diutius haerent (et si ratio incidant) uarias alterationes suscipiet; etenim inquit Gale-

nus coeno, & urina, & grumo, & succo melleo, & muccoso, & ossibus, & lapidibus, & callis obduratis, & unguibus, & pilis similia corpora in abscessibus inveniuntur. Atqui non raro, & animantia in ipsis inuenta sunt, omnibus ferè, quæ ex putredine ortum habent, simillima. Vnde ad curationes prosequendas cutem aperimus, & prædictas corporum alienationes euacuamus, abstergentes partes abscessas mundificante aliquo, quale nobis in usu sæpe est, quod ex partibus duabus Basilici tetrapharmaci, & una Aegyptiaci conficitur, & superponimus exiccantia, et robur particulis inducentia, qualia sunt barbara, chryse, medicamentum Nicolai, item quod ex salicibus, quodque dictamio constat, atque alia his similia. Frequenter etiam incidunt abscessus, qui ob contentarum substantiarum in tumoribus proportionès, græcè sortiuntur appellationes. Nam aliquando atheroma, steatoma, vel meliceris nominantur. Huic enim veluti mel reperitur, illi veluti seuum, reliquo quid pulicula simile, quæ ex farina cocta fit, et athera Græcis appellatur. unde athero-

ma dicimus; & quoniam plerumque continet hæc nervosa membrana marsupii modo, videntum est quomodo quæq; horum substantiæ poterint euacuari. Cum in omnibus non eadem curandi ratio reperiatur, etsi communis utrorumque existat, euacuatio scilicet contentæ substantiæ, quæ perficitur, vel appositis digerentibus, vel putrescentibus medicinis, vel adhibita chirurgia. At ex his sane quidam digerentem, & si non semper, & putrescentem, & chirurgiam, reliqui chirurgiam duntaxat concedunt, cum ob succi crassitiem, nec digeri, nec putre reddi, quod in membranis continetur, possit. Unde est, ut nos sæpe cutem superpositam marsupio neglecto ferri acie secemus in crucis formam, eamq; dirimentes ab eo, & à subiectis, quibus adhæret, ac eo amoto, sumus acu, & cruentorum modo sanamus. At quibus diuersa operandi ratio debetur, in id plurimum studemus, ut eorum substantia vel digeratur, vel putrescat. Cum his, etsi non omnes omnibus, reliqui quandoque cedant.

Carbunculos excitat sanguis efferuescens, & inflammationi propinquus, proinde, &

cin D 2 cum

cum crusta fiunt, & bullæ ulcus præcedunt, quemadmodum in amblytis, caroque circumposita in feruidam inflammationem attollitur, & colore nigrescit, splendetq; bituminis, & picis modo, talis autem est bilis exactè atra. Curamus itaque hos carbunculos extracto prius per venas sanguine ad animæ defectionem, postea scarificata circumposita carne altioribus plagis ob succi crassitiem. Demum particula laboranti inducimus quæ modicè reprimunt dissipantq; , & talè medicamentum existit, quod recipit æquales partes arnoglossi, lentium, panis furnacei, atque ita confectum oxymelle coquimus. Probamus etiam in casu præsentis ex acido malo punico remedium, quod coquimus aceto, uel aqua acerosâ, & ubi intabuerit, contundimus, linteoq; implicitum inducimus, & cum siccessit aceto humectamus, & sic curamus particulas inflammatione obseccas ambientes crustosum ulcus, de quo particularem sermonem agemus in tractatione de Ulceribus.

Cancros item tuemur apposis medicamentis frigidis & siccis, cum per emollien-

tia potius exasperari, quam iuari Galenus quinto de simplicibus cap. 8. scripserit. At inquit, quæ ab atrobilario succo duruerunt cancrofa sunt omnia, & ab emollientibus medicinis exasperantur. Cancros atrobilarius succus gignit, qui duplici modo oritur, uel enim (Paulo auctore lib. 4. cap. de Elephantia) ex melancholico sanguine, feculentioreq; , & ueluti eius limo, uel bile flaua, utrisque nimium uistis, nascitur, uerum inquit Galenus in libello de tumoribus præter naturam cap. 8. citra feruorem atra bilis cancros constituit, quæ si quidem mordax decubuerit in carnem circumpositam, cutem exulcerat, si uero mitior extiterit, cancros citra ulcus inducit, quos Hippocrates latentes, seu occultos nominauit 6. particula aphorismorum, aphorismo 38. Cum dixit cancros occultos omnes melius est non curare, curati enim cito pereunt, non curati uero longius tempus perdurant: Igitur in præcautione, ne ulterius progredi ualeant, cooperimus dolentes particulas uel plumbeo unguento, uel pompholygerato, uel phœnicino Galeni, plurimq; rosaceo, remollito in plumbea  
pila

pila cochleario in super plumbeo. Gangrænas uero curamus euacuantes uulnificis plagis sanguinem à quo potissimum oriuntur, cum præ multitudine ipsius, alimento transitus occupatis meatibus minime pateat. Vnde fit, ut particulae celeriter emori cogantur, nam in ipsis collectus, & impactus sanguis usque adeo ut diffusi non possit, & ab ambiente refrigerari, cum calidus, & humidus sit, & in loco calido, & humido coactus, facile putrescit. Quod maxime contingere solet magnis in inflammationibus, immo Galenus dixit gangrænas sequi magnas inflammationes, quæ membri, (nondum tamen integræ factæ, aut confirmatæ) mortificationes sunt. Quibus mali tanta vis est, ac tyrannis, ut, si non celerrimè succurramus, promptè affectæ particulae mortis habitum repræsentent, & omnino sensu, & motu destituantur, ita ut percussam, uel sectam, uel adustum non sentiant quæ patiuntur, quem affectum non iam amplius gangrænam, sed sphacelon græci nominant. Ne igitur particula afficiantur sphacelo, euacuamus sanguinem, ut supra, postea marina aqua uel muria

ria plagas exiccamus, ut ne consortii lege inuadat reliquas particulas mortis habitus, uti mur etiam in magnis affectibus aqua fortis, ut humiditatis corrumpentis superuacuitas absumatur. Cuius copia si ad manus haberi non poterit; eius uice immittimus Aegyptiacum cum argento sublimato; & saepe, ubi ista cesserint, admoouemus ignem, quod fecimus in nobili matrona Hortensia Manina, cuius anima foeliciter requiescat. In qua ob morbi extremas uires ignito ferro auxilium attulimus; praesentibus D. Paulo Regolino, & D. Nicolao Rorario doctissimis medicis. At in his, in quibus uires persistunt prosequi mur exiccationem putredinis; quam cognoscimus ex inductis crustis, seu escharis. Nam caro illa mortua induraturusque adeo, ut coriis externis sole exiccatis sit assimilis, postea detrahimus escharas, aut pane ex hydrelæo decocto, aut tetrapharmaco; aut macedonico nominato; uel butyro; deinde aliorum ullum modo curationem adhibemus.

Strumas uero, quas graeci chœradas uocant, curamus uel chirurgia; uel superpositis medicamentis. Sanè superponimus me-

oiliaus dica-



dicamenta, quando strumæ fuerint in corpore glanduloso aliquo, & non in glandulis simpliciter dictis. Nam iuxta Galenum 14. methodi glandulæ considerantur in duplici differentia. quasdam enim corpora glandulosa vocat, reliquas glandulas simpliciter. Et iuxta hanc diuisionem uariamur curationis intentiones; corpora igitur glandulosa, cum sint arteriosa & nervosa, atque plurimi momenti, ob usus quos animanti inferunt, ob id cum reliquis corporis partibus curationes earum admiſtramus, nam illis optima inuenimus, quæ in scirrho affectis ostendimus, quæ ratione, cum strumæ sint glândularum in scirrhum affectus, nos eadem methodo ipsis succurrimus. Reliquis uero auxilium præſtamus scalpello diuidentes cutem externam, quæ commune est tegumentum omnium partium, excoriantesq; , & glandulas à subiectis corporibus cum scirrho dimouentes. Nam glandulas has cum parui usus sint, separamus facile citra subiectorum sensibilem defectum, & cruentorum uulnerum modo curamus.

Curamus uero tumentes uenas, & dilatatas, (quas uariçes uocamus) uel astringentium auxilio,



auxilio, uel scalpello. cum per astringentia curationem tentabimus, primo secta uena brachii, corpus a superuacuis euacuamus, non neglecta altera etiam, quæ per pharmacum fit purgatione, postea dolenti particulam superponimus aliqua ex astringentibus, ut supprimendo salutem agrotantis facile redimere possimus. At si per hæc quandoque iuuari particulam non cognouerimus, tunc admouemus chirurgiam, prosequentes Pauli præceptum sexto artis chirurgicæ cap: 82: *ollui orpus ubi uel mulierem*

Reposuimus inter tumentes affectus, et passionibus quas ramices, et hernias quandoque appellamus, è quorum numero sunt sarcocoele, hydrocele, epiplocele, enterocoele, cirrocœle, bubonocœle. Nam cœle apud antiquos tumorem significat, ideo necesse est, et eorum curationes tradere; sarcocœle igitur cum carnosus ramex existat, solam chirurgiam exposcit, cum curari per medicamenta non possit. oscheon (scrotum latini dicunt) ferriaciæ, resupinato agrotante, aperimus, postea inuolucrum testiculi diuidimus, atque sic testiculum extrahimus, secer-

E nentes

nentes cremasterem à uasis, eaque constrin-  
gentes, amputamus cremasterem neruum  
scilicet ex his, quibus partes genitales depen-  
dent, et sic testiculum euicimus, cœu alienū,  
atque artis peritia sanamus.

Aquosum ramicem, quem Græce hydro-  
cele dicimus, curamus digerentes, uel admo-  
uentes chirurgiam, cum subluques quædam  
sit otiosi humoris corporum scriptum impli-  
cantium; digerimus. n. uel appposito capril-  
lo stercore cum oxycrato, uel inducentes ci-  
neres caulium brassicæ adipe suillo ueteri li-  
quefacto exceptos, uel alio pacto, siluam. n.  
remediorum non est mihi intentio in hoc ne-  
gocio afferre, satis enim uidetur si quædam  
duntaxat ad artis usum oportuna commemo-  
remus, reliqua prætereuntes quæ multa nu-  
merari possent; Admouemus uero chirur-  
giam collocantes primo in sedili agrotum.  
postea nouacula scrotum, et eius inuolucra  
diuidentes, et potissimum in ea parte, qua  
testiculo non adhærent, humorem euacua-  
mus, atque sic demum chirurgica ratione cu-  
ramus.

At contingit aliquando ut in scrotum, uel  
inguina

inguina intestina deuoluantur rupto, uel laxo peritonæo, qua eadem occasione accidit etiā, ut omentum, græce epiploon dictum, descendat. Quum igitur ex peritonæi affectibus, hæc passiões humano corpori maxime contingant, necesse fit, ut retrogressis intestinis, et omento salus restituatur, uel quorundam chirurgicorum industria, quos uulgus chiliares uocat, quoniam in hac parte chirurgiæ propriè uersentur, uel nostra quæ fit ex superpositis astringentibus, et siccantibus medicamentis, necnon ligaturis ad id commodis. Vocamus autem intestinorum descensum in scrotum enterocelen, ramicem scilicet intestinale. in inguina, bubonocelen, ramicem seu herniam inguinis. omenti uero descensum, epiplocelen, idest omenti ramicem.

Quod si tumeant, et dilatentur uaricum modo, uasa per quæ testiculi nutriuntur, affectum talem cirrocelen, (quasi uaricosum ramicem diceret uocamus) è contra uero, uasa dilatata in scroto, aut dartis membranis nominamus, nam hos affectus uarices sim-

pliciter appellamus. ceterum ramicem cu-  
ramus Pauli methodo, cuius modum tradit  
sexto libro cap. 64.

15

HIERONYMI CRASSI  
VTINENSIS DOCT.

CHIRV RGI

DE SOLVTIONE  
CONTINVTATIS.






VMANI corporis partes quum  
soluâtur à naturali sua unitate  
uel sectæ, uel punctæ, uel con-  
tusæ; atque id quidem, pro  
telorum differentia, et ictus  
forma; nos de his et quidem omnibus sermo-  
nem aggressuri, eorum pariter curationes tra-  
demus, sed prius communem eiusdem corpo-  
ris diuisionem præmittere iuxta anatomico-  
rum partitionem, operæpretium putamus.  
Sanè obseruauimus in Patauino gymnasio,  
sub doctissimo Præceptore nostro Domino  
Gabriele Falloppio insigni ætatis nostræ ana-  
tomico, corpus humanum diuidi in qua-  
tuor partes summas, et maximas, in caput,  
Thoracem, Ventrem, et Artus, seu partes  
eminentes; uocauitque partes eminentes,  
quæ longius à medio homine descendunt, et  
quasi ex trunco pendent, quales ulnæ, ma-  
nus,

nus, brachia, cruraque et pedes sunt; sup-  
posita itaque hæc humani corporis partitio-  
ne, non ignorandum est artis operationem  
maxime uariari; etsi enim scopus idem, ratio  
ne curandi in omnibus existit, unio scilicet  
partis solutæ, uniformiter tamen non fit ob  
prædictam partium differentiam, quæ res fa-  
cilè ostendi potest sumpto initio à partibus  
eminentibus cæsim sauciatis, nam et has,  
ubi cæsim sauciatae fuerint, adducimus diuer-  
sa auxiliorum ui, uel enim uinculo ex duobus  
initis circumdato. (uocant sic, ut Galenus  
ait, quoties tota pars media uinculi affecto lo-  
co incumbit) uel sutura, aut fibulis imposi-  
tis, aut horum quibusdam, aut omnibus;  
quo facto postea reliquum naturæ opus per-  
mittimus, coalitum scilicet, secernentes ta-  
men interim impigrè sordida, et tenuia excre-  
menta intro positis communibus remediis,  
uel ad id paratis iuxta ueterum formam, non  
quidem prima die, sed septima resoluta, in  
omni nanque uulnere ex mutatione actionis  
naturæ duo semper oriuntur excrementa, al-  
terum quidem tenue, quod sanies dicitur,  
alterum uero crassum, quod puncupatur sor-  
des.

Cæterum in id plurimum studemus prima intentionis administratione, ut in ea parte quæ cōuulsio prompte potest conflari (ea uerò est quæ sentiendi prædita est acumine) acum minime properemus, etenim ex Hippocratis præcepto quinta aphorismorum particula conuulsionem esse letalem ex uulnere habemus; quare nil mirum si idem author in calce citatæ particulæ huiusmodi uulnera praua appellat, dum dixit. Si in uulneribus fortibus et prauis tumor non appareat, ingens malum, intelligens sanè de his uulneribus (ut Galenus ait in commento), quæ sunt in capitibus, aut finibus musculorum, et maxime neruorum, ob id igitur nos capita et fines quibus chordæ seu tendones oriuntur præscriptorum musculorum, acu minimè pungimus, nec non, et geniculatas particulas eodem artis præcepto tuemur, cum sauciata ex futuris prompte conuelli possent, Qua ergo ratione diceret quis in talibus adducendis diductis labiis instituenda est curatio? cum per acum habenam trahentem ex serico filo, uel ex materia alia non putrescibili, qualis ea est, quæ ex gracilibus chordis fit,

# DE SOLVTIONE

fit moliri curationem ipsam periculosum sit?  
 ea certè quæ minime dolorifica sit, quam  
 uinculo ex duobus initiis circumdato parari  
 diximus, At hæc uinculi circumuolutio his  
 tantum conueniens est remedium, quibus  
 os uulneris, non transuersim, et asciali mo-  
 do, sed in obliquum uel rectum spectauerit.  
 Quid tum, et si obstitent, quominus commit-  
 tamus quasdam partes diductas à suprascri-  
 ptis remediis, uulneris forma scilicet, et par-  
 tiuin sensus acumen. Nihilominus Ars exco-  
 gitauit et aliud instrumenti genus, quo faci-  
 le extrema transuersi uulneris adducimus,  
 quale est, quod sæpe conficimus ex sarcocol-  
 la, mastiche, et oui albumine, atque ita para-  
 ris duobus linteis excipimus, et utrinque se-  
 cundum hoc exemplum accom-   
 modamus: Esto itaque inter duo   
 transuersa lintea orificium uulneris, & linteo-  
 rum, alterum B. alterum C. supponatur, tunc  
 nos acu lintea fuimus, & sic diductas partes  
 secundum alterum exemplum ad-   
 ducimus. Sed petat adhuc quispi-  
 am, cur neglecta sit forma ascialis? nos pro-  
 fectò alia ratione de asciali figura sermonem

non



non fecimus, quia, cum egeat carnis restitutione, non uidentur nobis posse citra aliquem sensibilem partium defectum committi diducta, Gal. enim ubi 3. methodi abunde docet cavitatem uulnerū primo noua carne repleri debere, postea cicatrice, dixit superinduci, non autem extrema committi. Si igitur carnis defectu, et partium distantia impossibile sit cōire prædicti uulneris labia, succedit, ut hac de causa, tardior hæc sit curatio reliquis uulneribus, ut et Celsus tradidit, cum dixit, pessimaque plaga in orbem est, tutissima quæ linear modo recta est. His igitur rationibus examinandas nervosas particulas relinqueamus, sumpto initio ab his partibus, quæ et si enarratis continuæ sint, tamen in hoc inter se differunt, quia cū carnosiores existant, sensus etiam hebetiores fiunt, et raro agrotantes conuellunt; unde has sauciatas celsim; committimus (extimata uulneris forma) uel fasciis, uel suturis, uel fibulis. Cū antea non leue periculum immineret ex partitis sensus præstantia; seu acumine; si his modis eius diducta in idem adducere tentaremus. Nunc uerò quia tali negotio non ege-

mus, et fuimus, et faciis ligamus, cū per hæc diducta ex solutione facilè in unū coeant; sed quoniam in hac administratione, aliqui inconsideratè admodum suunt, et quidem cum partis turpitudine, et eiusdem uitio, propterea consideratione maximè dignum esse duximus, ut et hanc partis chirurgicæ rationem ostenderemus. Ideo in omni solutione unitatis factæ casim, animaduertendum hodiernis chirurgicis censuerim, ut in consutione primam futuram in medio extremorum iuxta rectam mensurationem conficiant, et penetrant iuxta uulneris profunditatem, ne relicta cavitae in fundo diductorum, pars fluxionibus noxiis repleatur, et ob id dolore afficiatur. Præterea reliquas suturas prosequantur inter se distantes unius digiti spatio uel duorum ad summum, parte decliui parato effluxionū emissario. Cæterum si adsit et fractura ossis, complicatusq; morbus existet, propulsato, si opportuerit, manibus communi nostro exemplo, altero ossis extremorum in sedem propriam, superscriptis remediis solutionem unitatis carnosæ partis coæquabimus, cum quibus sic institutis, multos sanabimus

remediis

remediis etiam ad id superpositis, de quibus ex ordine in præsentia dicturi sumus, ut in posterum ex antedictis administrationibus, et consequentibus medicinis, agrotantibus sanitas refarciri facile possit. Sequens igitur ratio, quæ de medicinis cognoscendis, et instituenda observatione applicationis determinat, hoc pacto ordietur. Prima igitur accessione nostra superponimus uice platismatis albumen oui concussum, et stuppam molli, uel bombice exceptum, atque ubi necesse etiam fit, ut gratia emissarii intromittamus cuneolum lintheum, illum immittimus, et fasciis postea circumimus, et sic ligamus. Si uero ex hac medicinali formula, difficile nobis est compescere eruptionem sanguinis, tunc albumen inspissamus imposito medicamento ex aloe, et manna, et leporis pilis. Postero uero die capita uasorum si quæ fuerint, solutis primis medicamentis, cooperimus aloe, et manna, atque postea solutionis orificium lenimus lintheo filis excerpto ex resina terebenthina, uel hypericonis oleo, et ungimus. Præterea circumiacentes particulas rosaceo, ex oleo crudo (quod omphacinum appellant) citra

salis admittionem confecto nempe rosas quā-  
plurimis in eo maceratis, et superposito dupli-  
cato, triplicatoue linteo fascia orbiculatim  
circūdata iterum ligamus, uel sic assumimus,  
et maxime ad neruoticota, hoc est ad ner-  
uorum uulnera, calcem uidelicet saepe lotam  
ad solem diebus canicularibus, ac resiccata  
plurimo rosaceo dilutam, uel pompholigem  
eodem modo lotam, ac præparatam, atque  
his tepidis utimur, ne frigiditate sua, calore  
ue nimio conuulsionem inducerent; Frigi-  
dum enim inquit Hippocrates in aphorismis  
inimicum neruis, et calidum, item, ait, ubi  
quis eo sæpius utatur affert neruorum incon-  
tinentiam. Fiunt enim hi, ut inquit Galenus  
in commento, imbecilles, eorum substantia  
à calore dissoluta. At et uulnera respiciens  
Celsus dixit, uulnera infestant, et nimius  
calor, et nimium frigus. Tertio uero die abie-  
ctis sordidis medicamentis saniem abstergi-  
mus lana molli specillo obuoluta, et ne arida  
lana uulnus contingat, sapa imbuimus, et ea  
expressa uulnus detergimus, curamusque  
iisdem medicamentis, atque linteis postmo-  
dum fasciis, ut diximus, ligamus, et hac ue-  
terum

terum methodo procedimus (nisi metus conuulsionis aliquis præsens fuerit) integro resoluto septimo. Nā eo tēpore futuras secamus et inglutinatum uulnus relinquimus cum aliquando ex retento sanguine concreto, inflammatio facilè excitari possit; cuius occasione sæpe conuulsio fit, quare uulnus, suadet Celsus, primo purgandum, ne quid ibi concreti sanguinis relinquatur, id enim et in pus uertitur, et inflammationem mouet, et glutinari uulnus prohibet. Postea uero abstergimus bombice ut supra, et linteis ex superscriptis medicamentis cavitatem uniuersam implemus, affundentes calidum oleum inguinibus, spinæ, axillæ, collo, ac capiti, et ubi adhuc non quieuerit, tunc neruum, musculumue præcidimus, et sic curamus, tradit enim idem author musculum si latus uidebitur, præcidendum esse, cum percussus mortiferus sit, præcisus sanitatem recipiat. At nono die incæpto, soluto optimo rosaceo isis, uel inacherionis emplastro utimur linteolis illito, cum recentibus uulneribus auxilientur, ut quæ carne destituta reficiant, repleantque. Ad eundem usum habemus, et Aegyptium

# DE SOLV T I O N E .

gyptium, & piscatoris fuluum eodem met ro-  
faceo diluta, & linamentis indita, Forinfecus  
platifima nobis ex usu est, quod diapalma  
Galeno appellatur, uel eius quod ex lichar-  
giro & oxelæo paratur, triapharmacum me-  
dicis hodie nominatum, uel eius quod ex  
sandyce constat, communiter de minio di-  
ctum. Cæterum diuerfa ratione Iuniores chi-  
rurgi adminiftrant curationes, uel enim fe-  
cundo die affumunt refinam terebenthinam,  
ut & nos diximus, eaque utuntur simplici.  
tertio addentes oui uitellum infuso rosaceo  
oleo, & ubi eo tranfacto, etiam abftergere  
uolunt adiicientes mellis rosacei colati por-  
tiunculam, atque huiuscemodi confectis u-  
tuntur, uocantque ea digestiua unguenta, et  
mundificantia, fin autem solutioni et ofsis  
fractura accesserit, complicatusque morbus  
fuerit, tunc quidē cōpellendum, ut diximus,  
in sedem propriam os ipsum, quod commo-  
dè fit primo statim die antequàm inflamma-  
tione occupetur, aut nono inflammatione  
iam finita; Præterea hamulis, futurisque u-  
timur, & remedio cruentis apto his mede-  
mur, sic ut ossicula refracta, ut uerifimile est,  
&

& pungentia, implentiaue primum auferamus: At ut ossa fracta hinc inde non moueantur, molimur tractationem hoc pacto, primo splenia linea, ad membri latera accommodamus, et superpositis ferulis, neglecto spatio uulneris, duabus fasciis ligamus, altera supra, altera infra, uulneri postea præstamus curationem ut supra, & tertia fascia circumuoluta ligamus. At neruea pars ubi punctim sauita fuerit ob sensum quo prædita est, & quia principio cohæret, facile parit dolorem, & inflammationem uehementissimam, unde cogimur uti his quæ tepidam caliditatem habeant, ualdè uero siccent; atque hoc citra molestiã, & quæ substantia tenuissima prædita sunt, huiuscemodi enim sola sine partium distensione, ac mordacitate saniem ex alto euocare possunt, sicuti terebenthina, quæ per se in pueris, mulieribus, et aliis qui molli sunt carne auxilio est, in cæteris uero cum euphorbio. Assumimus ergo terebenthinam neque frigidam, neque egelidam admodum, & linteis excipimus, & puncturæ leniter immittimus, irroramus præterea totum membrum oleo subtili, quod alstrictionis sit expers, et ad sensum

ad exteriora sine dolore, & angustia, necesse fit ut cutis aperiatur, & indita terebenthina curationem cum superscriptis prosequamur. Atque orta inflammatione cum dolore uehementi farinam erui, aut fabarum cum optima sapa, modico aceto addito, coctam imponimus, et ubi putruerit pars affecta, ex relatis uitiis, succurremus cataplasmate ex ordeacea farina uel fabacea stillatitio lixiuio & mulso aceto confecto. Reliquas autem solutiones unitatis quæ uentri accidunt, curamus intellectis unâ et internis particulis. Nā contingit aliquando uentrem seu abdomen uulnerari usq; adeo, ut succus ex uentriculo euacuetur, ex intestinis stercus, interim et epiploon seu omentum dictum, uel intestinum prociat. Ideo necesse ut examini et horum uitia subiiciamus, cum et ipsa solutiones promptè patiantur. Quemadmodum ubi stercus, ut diximus, per uulnus excernitur, intestinatorum alicui uulnus esse illatum haud dubium est: sic etiam cum cibus egreditur, in uentriculo uulnus esse manifestum est, & eodem modo si omentum, aut intestinatorum aliquod excidere per uulnus uideatur, peri-



tonaū discissum esse nemo ambigere debet. cum itaque hæ partes uulnerentur, res ipsa postulat, ut cæpto iam ordine & earum curationes monstremus. Sauciato ergo abdomine si intestina euoluuntur, protinus consideramus si integra ea, & sui coloris sunt, præterea si soluta unitio ubique præstari possit, scripsit Galenus sexta particula aphorismorum commento . 18 . in uessica quidem confessum tale uulnus non coalescere, sicuti, & in parte septi neruosa & in tenuibus intestinis, imino sexto methodi inquit ieiunum intestinum esse omnino incurabile, tum propter magnitudinem, multitudinemque uasorum, tum quòd tunica eius neruosa, prætenuisque sit, adde quòd tum bilem synceram hoc intestinum recipit uniuersam, tum quòd omnium maximè est uicinum iecinori, & his dictis reliquorum internorum curationes difficles atque tutiores subiungit, & sermoni finem facit.

Nos autem institutum prosequentes, eorum omnium quorum fiducia aliqua sanationis fuerit, curationes in communi propereamus, ideo uulneratum crassum aliquod intestinum

stinum fuimus, & molli spongia ex tepida aqua flatus discutimus (nam inquit Celsus, momento alienatur externo, & infueto spiritu circumdata;) uel ut faciliori negotio in propriam sedem recondi possint, at & orificium uulneris digitis aliquantisper dilatamus, extensis in latus diductis partibus, postea immitimus. At si præ inflatione adhuc existente reponi non poterint, incidemus peritonæi tantulum syringotomis (sic enim uocamus instrumenta quibus fistulas incidimus) quantum ei quod excidit reponendo fuerit satis; Manibus postea et denuo diducimus orificium, & intestina per ordinem prolapsa condimus, sic ut orbium singulorum locum seruent. Repositis omnibus leniter hominem concutimus. Quo fit ut per se singula intestina in suas sedes diducantur, & inibi concidant. his conditis omentum quoque consideramus, ex quo, si quid iam nigri, & emortui est, forcipe excidimus, & id quidem non inconsulte, cum dicat Hippocrates sexta particula aphorismorum aphorismo 58. si omentum excidat, necessario putrescit; & Poeta Ouidius quid agendum in præseruatione sanæ partis ostendat

sus. Astrieto, & optime cum abdomine alligato peritonæo per has suturas, supra relatis subinde in vulnere casim facto remediis utimur, atque postea iubemus, ut laboranti situs talis sit, ut, quæ uulnerata pars est, subli-  
 miorem semper locum obtineat, cauendum nanque magnopere esse inquit Galenus ne id quod exciderit degrauetur quicquam ab intestinis aliis. his ergo ita intellectis, superest modo ut thoracis uulnus sermoni addamus, confosso igitur thorace si unà, et internum aliquod uiscus affectum fuerit, utemur subito remediis ad id commodis, ne uulnus sua gravitate ægrotantem facile interimat, nam ex ictu pulmonis, inquit Celsus, spirandi difficultas est, sanguis ex ore spumans, ex plaga rubens, simulque etiam spiritus cum sono fertur, in uulnus inclinari iuuat, quidam sine ratione consurgunt. multi si in ipsum uulnus inclinati sunt, loquuntur; si in aliam partem obmutescunt. At & corde percusso, sanguis, idem autor ait, multus effertur, uenæ languescunt, color pallidissimus, sudores frigidi, maliq̃ue odoris, tanquàm in rotato corpore oriuntur, extremisq̃ue parti-

bus frigidis, matura mors sequitur. At & scri-  
psit Galenus de corde uulnerato his uerbis;  
Si ad uentrem cordis, præcipueq; sinistrum,  
aliquando penetrauerit: uulnus, protinus  
cum multo sanguine uitam exhalabit animal.  
Si uero non ad uentrem usque perungat, sed  
in cordis substantia consistat uulnus, ex ita  
affectis aliqui non solum ea die qua uulnera-  
ti fuerunt, sed sequenti quoque nocte potue-  
runt uiuere, qui oborta deinde inflammatio-  
ne fuerunt extincti, unde si pulmo affectus nō  
in medio sui, sed in aliqua extrema parte uul-  
neratus existat, & si curatio eius difficilis ad-  
modum sit ob ipsius continuam agitationem,  
tamen hac parte uulnus existens, sanauimus,  
uincientes sæpe eius brachia atque crura, &  
sanguine per uenas detracto, & interposita  
silentio uocis exercitatione, quibus omnibus  
administratis, & ex sequentibus medicinis su-  
perpositis scilicet sequuta est, Dei benignita-  
te adiuuante, sanitatis palma. Sequentia nobis  
medicamenta sunt ueluti relata in curatione  
partis cæsim solutæ, quæ ex simplici concusso  
oui albumine fiunt in prima curatione, at cir-  
ca uulnus partes lenimus rosaceo cerato, uel  
embrocis

embrocis ex bolo armenia, terra sigillata, & rosaceo oleo confectis, postea superposito lintheo duplicato fascia ligamus. His peractis poscam tum dilutam, tum tepidam potui offerimus, quo si quis in uiscere cruor concretus latitet solutus expuatur. Sequenti uero die in tronisso cuneolo lineo ex terebenthina resina, iisdem iterum lenimus superposito uice platismatis lintheo, et fascia ligato, atque tertio idem facimus. Quarto autem, si concretio- nis sanguinis metus non fuerit, agglutine- mus sarcoticis enarratis ex iside largo rosaceo soluto, & similibus superposito platismate diachalciteo. Capiti uero, si uulnus accesse- rit, curandi rationes instituemus medicamen- tis repurgantibus, ac incarnantibus cepha- licis dictis, nam etsi corpori uniuerso conue- niat, quia tamen maximè capitis uulneribus incarnandis profunt, ob id cephalicorum, hoc est capitalium, nomen sibi sortita sunt. Quæ autem sint ea, expositis primo differen- tiis capitis, & eiusdem partibus, postea eno- dentur, differunt inter se capita, & quidem merito, cum & Hippocrates libro de uulneri- bus capitis: his uerbis ostendat. Nam homi-  
alano 199
num

coronalis, & recta sunt in opposito prioris formæ litteræ **I**, & tamen similes, reliquæ autem, & ultimæ figuræ in omnibus structura est diuersa; nam cum neutra parte promineat præsens differentia, sed in medio aucta turbinataque sit futura, **X**. Græce litteræ sunt per similes; At uero quæ a media futura æquidistant, & ad utranque aurem constitutæ; secundum capitis longitudinem differuntur rectè, squammosæ agglutinationes uocantur, quum non hic, ut in futuris, ossa se se mutuo ingrediantur, sed extenuata in subtiles quasdam squammas ad maiorem firmitudinem earum partium, supra ossa descendencia applicentur. Si ergo uariis his formis & structura hac diuersa suturarum distinguantur inter se se hominū capita, sit ut ex situ locorum diuerso differant & eorum partes, ut capitis pars anterior capillos habentis sinciput, qua coronalis sutura sita est, uocetur, posterior pars occiput nominetur, latera sincipitis tempora appellentur, quod in medio capite est, ubi capilli maxime inuoluuntur, uerticis uocabulo gaudeat, sub sincipite pars posita frons dicatur; Nam pro

partium differentia oritur, ut in faucibus hæc  
magis illa minus periculo afficiatur, cum  
huic non multa caro, non crassum os, sed ce-  
rebrum multum subsit, illi caro ampla cras-  
sumque os, non multum cerebrum, atque &  
illi similiter, uel è contra: Vnde Hippocrates  
in libro de uulneribus capitis dixit, cerebrū  
enim, & citissime, & maxime iuxta sinciput  
sentit mala, quæ & in carne, & in osse fiunt.  
sub tenuissimo enim osse, ac modica carne  
cerebrum est hac parte, & plurimum cere-  
brum sub sincipite est, et paulo infra. Omni  
uero capitis osse robustius est os uerticis, &  
quod est retro aures robustius quam rotum,  
quod in anteriore parte est, & carnem am-  
pliolem ac profundiolem in se ipso hoc os  
habet, & sequēs sermonis ordinem causas tu-  
rioris, & magis periculosi uulneris iuxta enar-  
ratas partes ostendit. Cæterum ne in his con-  
teramus tempus ad curationes accedemus,  
Igitur fauciato in quauis parte capite, exce-  
ptis his quibus mandibulares muscoli extant  
in quibus eadem cum reliquis neruosis parti-  
culis curatio existit, cognoscimus has partes  
uulneratas ex motu inferioris genæ. si itaque  
pars



quæuis diuortio affecta curationem exposcat, id ante oculos consulendum semper proposui mus, utrum membranula os ambiens læsa sit nec ne, si læsam, atque ex transuerso sectam reperiemus, num & os simul con fractum sit considerabimus. At accidit ut sæpe præcisa cute, cū membranula, os unā non sit scissum, & tamen ex raritate ossis per poros exudet sanguis, qui sua quantitate quibusdam negotium exhibet nescientibus in meditullio pro nutritione ossis exiguas quasdam uenas reperiiri, quod nobis facile constat ex medicorum scriptis, & maxime Hippocratis in libro de vulneribus capitis, cum ait. Sunt etiam in osse uenulæ tenuiores, ac caviore sanguine plenæ. Et Celsus senis auctoritatem confir mans, loquens de capitis ossibus, dixit. inter que ea uenæ discurrunt, quas his alimentum subministrare credibile est, unde & si sangui nis hæc appareat exudatio, nihilominus facta experientia ex sensu tactus, considerationeque accidentium, nos supra relatis ex fibulis uel futuris eius diductas partes simul addu cimus, & oui albumine, stuppis excepto so lutionem cooperimus, & linteali fascia liga-

turn H 2 mus




his, quæ mista facultate sint, quæ concoquant, digerant, & modice astringant. & nobis ex usu sæpe est talia adhibere. Cumque & simul cum iis contusa fuerit cutis, emplastrum ex fabarum farina, & oxymelite, & ubi dolor adfuerit, picem quoque liquidam miscemus. At si passio euenerit citra cutis affectionem, oleo calente aliquo sæpissime perfundemus, ueluti eo cui coctum sit anethum, uel ruta, atque sic uniuersas curationes singulis particulis administramus, fœlicem cuique, Duce Deo, ægrotanti sanitatem restituentes.



DE V L C E R I B V S

31

HIERONYMI CRASSI  
VTINENSIS DOCT.  
CHIRV RGI  
DE V L C E R I B V S.



OLVTIO unitatis, quæ fit ex fa-  
nioſa rupta uômica, uel aliena-  
to uulnere cruento in pus, uel  
principali ſuo ortu ex ſucco  
prauī cuiuſdam humoris, ut bi-  
lioſi cuiuſpiam, aut melancholici, aut aliter  
utcuſque uirulenti, ac uitioſi, qui ex maio-  
ri corruptione ortum habuerit, communiter  
chirurgicis ulcus appellatur. Nam cum re-  
cens adhuc ſolutio eſt, nec ſanie, ſed ſanguī-  
ne madent & ſolutionis latera, & lintea, quæ  
curationis gratia intromittuntur, gaudet tunc  
ea quidem non ulceris nomine ſed cruenti  
uulneris; Quod Auicenna quarto canone ſen-  
4. tractatu tertio capite primo his uerbis  
nobis inſinuat. Et ſolutio inquit ille, continui-  
tatis in carne, quando facit ſaniem, & pus,  
nominatur ulcus, in cuius ſententiam, & ho-  
diernos medicos habemus. Quod ſi cuipiã  
uideatur Gal. ſæpe ulceris & uulneris nomina

curaciones trademus, iuxta effectus, quos qualibet ulcerum proprietas ostenderit, ut si cauum fuerit ulcus, quod curandum proponetur, curationem auspicabimur à carnis regeneratione, seu restitutione, modo non repugnet contrarium præsens aliquod, cui primo necessario insistendum sit, ueluti quando particula laborantis intemperies aliqua regenerationem deperditæ carnis intercipit, nam tunc primo attendimus intemperiei, contrariis eam qualitatibus dimouentes, postea ulceri, & quidem hac principali nobis inhaerente intentione, ut semper exiccemus, cum ulcus omne exiccari postulet ex præcepto Galeni. 3. methodi, præterquam si contusum extiterit, ut paulo infra ostendetur ex mente Hippocratis, ubi locum nos adducemus, qui est in libro de uulneribus capitis, ubi dixit. Necesse est enim carnes cõtusas, ac concisas prius fieri, ac consumi. At cum exiccamus non eodem utimur medicamento, cū non omni naturæ eadem medicamenta conueniant, debiliori nanque mollioriq̃ue molliora, ualidiori ualidiora sunt adhibenda. Quare si duo sint æquali humiditate ulcera prædi-

ta, illud quidem quod in sicciore temperatura sit, maiorem resiccationem postulat. Alterū quod in humidiorē est, minore resiccatione opus habet, quanto scilicet hæc natura alia humidior existit. Igitur ubi pristina caro siccior fuerit; ibi noua quoque superueniens sicciore fieri debet, Atque sic profecto is recta uia procedet medendi, qui agri naturam probe cōsiderauerit, neque huic difficile erit dignoscere quò medicamento ulcus egeat. Ideo si ulcus catum mediocriter fuerit, in prima eius carnis regeneratione duo necessaria infestant excrementa, tenue uidelicet, & crassum; quibus humidum, & sordidum ulcus redditur; ob id medicamen conueniens præsto sit oportet ad hoc, ut caro gignatur, geminæ facultatis, exiccantis scilicet & abstergentis, exiccari enim postulat humidum, sordidum uero abstergi, cuiusmodi sunt lachryma thuris, farina hordei, fabarum, & erui, iris, aristolochia, cadmia, panax, & pompholyx, atque similia, quæ ubi non profecerint ad creandam carnem (ut si sordium maior copia ulcusq; humidius reperiatur) tūc ex eo quod minus quàm oportuit desiccauit

uit medicamentum, admiscebimus illi tantum mellis quantum intensiori fuerit satis. At si ab huiusmodi mixtura purum ulcus se obiecerit, ut nulla humiditas exinde appareat, tunc quia magis exiccauit medicamentum videbimus, olei & cerati mixtione id ipsum molliemus. At sit quandoque ut ex uehementia medicamenti maior copia sordium & humiditatis oriatur, haud certe sine iactura ægrotantis aliqua, ueluti dolore, & inflammatione, & carnis sensibili colliquatione. At in eo in quo medicamentum minus exiccat, nihil tale euenit. At qui si cauitas ulceris talis sit, ut nullum præscriptorum medicamentorum permeet fundum, atque ad cauitatem deferatur, utemur emplastris his, quæ ad machætionem, & epigonum referuntur, quæque à uiridi colore chlora appellantur, solutis uidelicet iuxta cauitatem rosaceo oleo, uel sub emmotorum, uel liquidiori forma, quorum misturas, & vires Galenus 2. de compositione medicamentorum per genera exacte persequitur. Intromittimus & hæc eadem medicamenta maligno ulcere (quod cacoethe uocamus) cui os ex diuturnitate corruptum ab-

I 2. fcesit

scelit, ut restituant carnem deperditam, possitque postea superinduci cicatrix; quæ necessario caua sit osse abscedente, ut & Hippocrati placuit sexta particula Aphorismorum aph. 45. ubi dixit. Vlcera quæcunque annua sunt, aut etiam diuturniora, os abscedere est necessarium, & cicatrices cauas fieri. Nam si os ueluti caro posset reintegrari, dubio procul caua non fieret, repleta ad unguis ulceris cavitatem, sed quia non regignitur, (ut & idem autor ostendit citata particula aph. 19. his uerbis, Cū discissū fuerit os neque augetur, neque coalescit. quod & repetit 7. parti. aph. 28. ubi ait. Quando os abscinditur in corpore non augetur) ob id caua cicatrix necessario efficitur, cui nos postea illinimus liquidum medicamentum plenius latiore facto, quale est quod phoenicinum uocamus. aut aliquod simile solutum optimo rosaceo; modo durities aliqua, circa uicinas particulas ulceri non appareat, tunc enim dissoluimus oleo antiquo, aut cicinino. Adhibemus etiam superiori regioni aliquod ex his quod repellendi uiperæ sit, postea linteali fascia circuiimus, atque ligamus. & ubi adhuc calli ratione in-

hibetur

hibetur cavitās ut carne noua repleri non possit, tunc ea occasione ad alterum duorum accedemus, nempe uel ad labiorum præcisionem, quæ chirurgia fit ex admoto acuto aliquo ferro, uel ad eorundem putrefactionem cum aliquo ex his, quæ ut caustica, hoc est urentia, ignis instar corpus colliquant; & sæpe escharas ritu cauterii inducant, qualia sunt argentum sublimatum, auripigmentum (quod arsenicum uocant) sandaracha hodiernum præcipitatum, & similia multa. Reliquas præterea particulas illinemus defensiuo unguento, ut ne aucto calore à uehementia medicinae adhibitæ, dolor, & inflammatio oriatur. Facta uero adustione, seu putrefactione, utimur pane ex hydrelæo decocto, uel tetrapharmaco, & macedonico nominato, quæ omnia crustarum suppurationibus, atque earum excidentiis accommodatissima sunt, & quæcunque uim habent perducendi ad suppurationem. & ubi detractæ fuerint crustæ, atque purum redditum à superuacuis colliquationibus ulcus sit, eius cavitati immitimus aliquod ex relatis uiridibus emplastris largo rosaceo liquatis, ut carnem deperditā  
regi-



DE V L C E R I B V S.

regignat, & superposito ex chalcitide parato platimate, affectam particulam linteis fasciis ligamus. Nam ulcus callo obduratum existens in angulo sinistro oculi matronæ Blanchæ filia Illustris Comitis Vallis Mareni, Veneræ Reip. Ductoris eximii, uxoris Vicardi Colloretani nobilissimi, sanauimus, hoc pacto, primo enim intromissa sphaerula lintea specillo leuiter compulsa cauitatem repleuimus præcipitato puluere, & demum superinduximus splenium ex unguento defensiuo. Atqui si durities fuerit in labiis ulceris, ob succi crassitiæ, ueluti orta ex atra bile quæ (ut aiunt medici) crassissima existit, tunc à supra relatis admotis medicamentis irritaretur, ac, ut dici solet, efferaretur, usque adeo, ut faciliè ægrotantem ad interitum perduceret. Ideo ab his abstineant, qui præsens ulcus tractare studuerint (malum enim inquit Paulus Aegineta 4. libro ob atræ bilis crassitiem non confanescit) si quis enim utatur emollitione, exasperat, Galeno teste. 5. de simplici medicina in calce ferè. 8. capitis, quod, & idem committit superposita uehementia medicinæ, ut & idem autor. 14. methodi

rhodi capite. 9. igitur propter hæc quæ uiri-  
 bus quidem sunt mediocria, qualitate uero  
 minimè mordentia, eiusmodi affectibus præ-  
 seruandis nimirum (nam quis curationem eo-  
 rum speret?) sunt idonea, ob id nos utimur  
 unguento ex pòmpholyge, uel eo quod ex  
 plumbò usto paratur, uel præsentì quod &  
 recipit plūbi usti, uerbasci, (tapsum barbatū)  
 uocamūs) thuris singulorum unciam; cerusæ  
 uncias.iii. ceræ, olei rosacei, singulorum un-  
 cias vi. Succus fructus solatri q. s. At & suc-  
 cus per se bōmbice exceptus ulceri auxilio  
 est, atque & plumbum ustum ablutum, nec-  
 non elota pompholix præstantissima medica-  
 menta existunt, ut pote, quæ simplicia ulce-  
 ra citra morsum desiccent, nec immerito dixit  
 ea Galenus ad ulcera cancrofa idonea esse, &  
 ad alia omnia maligna. Cæterum si non duri-  
 ties, sed inflammatio quæpiam ex acrium  
 quorundam humorum calidorum defluxu  
 ulceris labia infestauerit, tunc sublato eius  
 defluxu, inchoabimus particulæ affectæ cura-  
 tionem particularem ab his, quæ contrariâ  
 facultate operatione uè idonea sunt, antedi-  
 ctam flammæam dispositionem, seu intempe-  
 riem

# DE V L C E R I B V S.

riem imprimis submouentes , cuius quidem ordinis ea esse didicimus , quæ ex plumbo usto , quæque ex pompholyge diximus constare , necnon & reliqua , ut quæ & conferant ad implenda ulcera , eademque cicatrice obducenda . Id & proponitur , cui ex superposita uarice , fit curatio difficilis , nam primo uaricem sanamus , cuius chirurgiam tradit Pau . Aegineta 6 . libro cap . 82 . ut mox deinde ulcus sanemus . Quod fecimus in Francisco Romano Sellario nostro , ubi ex orta uarice ulcus supra malleolum cruris sinistri haud potuimus sanare , neglecta uaricis curatione ( quæ ut ait Galenus uena dilatata existit ) . At manu iuxta Aeginetæ consilium uarici admotâ , & curata , tunc quidem & ulcus impigre superposito emplastro ex sandice curauimus . Recipit autem emplastrum hoc secundum Aetium sandicis lib . i . olei dulcis lib . ii . Coquito , inquit , donec non amplius inquinant , & utere confidenter . Quum uerò carnis intemperies ulceri orta squallens , siccaque fuerit , aqua temperata locum fouebimus , quo particula affecta rubore , tumoreque attollatur , & quando humidior , quã  
pro naturali

pro naturali habitu sese habere debeat, caro fuerit, erit ratio ineunda contraria, & facultas medicamentorum transferenda ad siccius, aqua uero nullatenus admouenda, sed si lauandum ulcus uidetur, uinum aut posca, aut decoctum austeræ cuiuspiam herbar præparandum, eodem modo, ut & calidiorem quam par est carnis habitum refrigeremus, & frigidiorē calefaciamus. Quod si caro ulceris putrens erodat a deo uicinas partes serpendo ut singulas in consortium trahat, id præstemus, ut quàmciūssimè caro illa absumatur à uehementissimis medicamentis, ueluti & ab Hippocrate præceptum est primo aphorismorum aph. 6. ubi inquit. Extremis morbis extrema exquisitè remedia optima esse. Quod etiam esse faciendum monet Galenus 5. methodi capite 15. ubi sic scriptum reliquit. Minime igitur (sicuti nonnulli medicorum censent) à paruis incipiendum auxiliis est, nec, sicuti illi dicunt, sentiendum, ista scilicet prius esse tentanda, mox, si nihil profecerint, aggredienda maiora, nam in morbis, in quibus periculum non impendet, uera ea opinio est. At ubi moriendum ægro pro-

sus est siphthoe semel exceptus sit, alienissimum à ratione est à minoribus inchoasse. Nam sicuti reliqua omnia ab Hippocrate tradita, ita illa quoque sententia rectè est dicta. Nempè ad ultimos morbus ultima prorsus remedia maximè ualere. Hæc ille. Ideo si ratio dicat, ut morbo, ob tyrannidem violentiæ medicamentorum, resistamus, erit necesse inuestigare hæc eadem ipsa, ad hoc ut prosequi non desistamus nobis proposita; sunt enim ueluti hæc, quæ & Galenus annotauit 2; ad Glauconem, misy inquam, chalcitis, arsenicum, calx, atque sandaracha, & similia. Præterea ægyptiacum unguentum, apostolorum, aqua argentariorum, & multa alia, quæ ubi cesserint, ad mouemus ignem, exiccata postea, & in totum absumpta putredine, crustas detrahemus superpositis relaxantibus nominatis; his peractis carne noua cauitatem ulceris replebimus, & ubi aucta iam fuerit ut cicatrix superinduci possit, eam cicatrice demum cooperiemus. At uero si non tanta putredine ulcus affectum fuerit, ut his egeat, sed cum hac sint uermes non pauci, exiccata humiditate putredinali, uermes necabimus

cabimus sicca plantagine, ligni ficulnei cinere, calaminthæ succo assidue instillato. commendat uerò Archigenes, ut inquit Paulus Aegineta lib. 4. capite 42. cerusam, poliūque pari modo cum pice liquida illitum. Quidam pro cerusa non inconsultè absinthium scribunt. expurgato ab huiusmodi sordibus ulcere, indito aliquo medicamento, ut reliqua simplicia curationes molimur. Quod si ex ulceris cavitae effluet ueluti uirus, difficulterque ob hanc causam sanitatem recipiat, caroque illi insita mollis, atque friabilis sit, id operæpretium putamus, ut dirimamus à subiecto osse mollem carnem (si subrū os fuerit) quoniam dubium non fortasse existit ex ossis uitio hæc contigisse, quod sanè nos sæpe experientia cognouimus. Nam caro illa mollis, ut plurimum supra os extensa, uitia eius occultat, & perito medico dat, ut cum Poeta in buccolicis carminibus dicat,  
*Latet anguis in herba.*

Si ergo ex his dictis periculum erit de ossis corruptione, explorare tutum primo fuerit stilo ossis sedem, nam eo ductu, facillè poterimus eius uel uitium, uel firmitudinem,

sanitatemque consequi, & ubi inuenerimus os infirmum ex adhaesu ingressus stili, nouacula aperiemus, & osis uitium tollemus scalpello adunco, radentes corruptum ad sanam usque partem, uel urentes ignito ferro, perueniendo ad ultimum corruptionis, ut cadat (ut Auicenna ait) cortices corrupti, & remaneat sanum. Postea ubi hoc praestiterimus, os nudum uestiemus noua carne arido superposito medicamento, cephalico appellato, & quando in carnis hac productione, pus apparuerit, optimum scilicet tunc ex hoc signum habebimus salutis proximae, ueluti & nos docuit Celsus 5. lib. his uerbis. Pus exit ex ulcere iam ad sanitatem spectante, quod & Galenus tradidit. 5. aphorismorum commento. 22. ubi ait. Maximum igitur signum ulceri ad securitatem est pus. Porro si in hac occasione caro superexcreset admodum, ut depressione opus habeat, eam deprimemus medicamentis ualenter siccantibus, ut apostolorum dicto, uel iside emplastro. Nam inquit Pau. Aegineta. 4. libro, Isis summe carnem supercrecentem in ulceribus continet, & ubi horum copia ad manus non fuerit, utemur  
arugine,

ærugine, facta postea proportionē, ut astringēda carne medicamentis possit superinduci cicatrix cuti æqualis, ut scilicet excessu non emineat, nec defectu caua fiat, unde exiccamus (si oportuerit), astringimusq; uehementer, ut non modo in hac perficienda cicatrice solum id quod superfluum est consumamus, sed naturalem quoque humorem attingamus, quam rem præstant galla omphacitis, malicorium, spinæ ægyptiæ fructus, & quæ citra mordacitatem uehementer astringunt, qualis est myrtus inter cætera, teste Aetio, & cadmia, & plumbum, singula usta, & lota, citra mordacitatem siccant, & ad cicatricem perducunt. Atqui Galeno autore cicatrix est ueluti caro in callum durata, quæ prioris cutis supplet officio, atque ei quamsimillima fit, cutis tamen reuera non est, quod facile intelligitur ex eo quod pilos non edit. Hæc pro hac præsentī tractatione sufficiant, ne scribendo alio genere utamur, quàm quo usi in superioribus tractatibus sumus, quibus ea quæ ad artem tradendam pertinent, breuiter complexi sumus. Nam quantum potui studui prolixitatis in scribēdo calumniam euitare,



# DE V L C E R I B V S.

re, neque tamen breuitatem sequutus, ita  
me breuem fuisse cenfeo, ut cuiquam obscu-  
ritas suboriri ex tali scribendi modo, aliqua  
possit.

F I N I S.

## Errata sic corrigito.

char. 7. b. lin. 8.		affectum	effectum
15. b.	2.	hæc	hac
16. b.	9.	à suprascriptis	cum suprascriptis
20. b.	17.	medimentum	medicamentum
24. a.	17.	conueniat,	conueniant,
25. b.	1.	fauciatis	fauciatis

